

愚

齋

存

稿

愚齋存彙卷第三十二目錄

電報九

香帥來電

寄香帥

李中堂來電

寄李中堂

又

總署來電

寄總署

又

愚齋存彙

卷第三十二目錄

一

思補樓藏版

李中堂來電

寄峴帥夔帥蘇撫奎樂帥

寄李中堂

夔帥來電

李傅相來電

又

寄李中堂

寄翁中堂

總署來電

又

寄駐京比使

李中堂來電

又

寄李中堂

李中堂來電

寄李中堂

李中堂來電

寄夔帥香帥

寄李中堂

李中堂來電

香帥來電

寄香帥

又

寄夔帥

香帥來電

寄京總署津夔帥鄂香帥

寄張香帥譚敬帥陳右帥

李傅相來電

香帥來電

傅相來電

寄傅相

傅相來電

總署來電

寄總署

香帥來電

又

寄香帥右帥

又

寄蘇省奎中丞聶方伯吳廉訪

峴帥來電

湘撫陳右帥來電

寄香帥右帥

右帥來電

寄劉峴帥奎樂帥

峴帥來電

寄劉峴帥奎樂帥

寄奎樂帥

寄峴帥

寄李傅相

峴帥來電

寄峴帥

李傅相來電

峴帥來電

寄峴帥

李傅相來電

香帥來電

寄香帥

李傅相來電

寄傅相

寄總署

寄李傅相

峴帥來電

寄東撫張漢帥

峴帥來電

寄峴帥

寄香帥

愚齋存藁卷第三十二

電報九

香帥來電

光緒二十四年閏三月十六日

錫樂已屢有陳說昨又譯送其所得海靖函無非
覬攬甯滬路而語近要挾膠事初起海靖曾函來
爲德華匯豐說項鄙人置未復嗣聞議造東路曾
浼錫介電於海言如肯不辦東路則願贊成南路
相易海復云現注重東路無暇爲銀行計事遂罷
嗣錫再以德匯爲言適商辦粵漢兼謀枝路時答
以一不由國家擔保一華洋事權均一小本華洋

合籌此三事允尙可商諸閣下云云未與定也乃
彼據此爲允辦語不可不辨況此時德華離匯豐
謀獨攬彼深忌英獨攬故極以厚英害長江不如
厚德可拒英之說誘我我豈肯爲虎附翼再厚於
德然又未便厚英而擯德鄙意改用此款最善或
並擯英德而用美亦善否則專用英恐招德咎不
得已或仍舊議英德合辦尙可商祈籌酌事關重
大先電聞餘面談

寄香帥

閏三月十六日

德英先後赴署索辦蘇甯而署謂英未便峻拒准令怡

和就近商辦以德有東路也德華謂蘇甯不成將往辦
東路德總領事謂如他家條款與德同請先儘德大約
德使德領德行自知得隴望蜀故不力爭所力爭者錫
樂巴耳鈞座前駁三事豈得謂允准且德華續呈十七
條皆相反今見英款不爲難始有遷就意然署旣允英
英豈肯讓徒使英效俄德法跳出公司納入交涉其害
立見英雖有長江不准予人之約英決不利土地爲我
首苟欲得而甘心亦決不繫乎蘇甯鐵路之有無創我
國者俄也助俄爲虐者德法也鈞旨聯英日似不可改
易初心鄙見正欲藉商務聯英日兼及美況此次借英

款十年卽准我還清誠能自強何畏之有議鐵路久矣
若處處牽制不急急下劫著必路路落後著若能自粵
至京京至山陝悉歸美自滬至甯甯至豫悉歸英自蘇
至杭杭至甬或歸比統限三年告成然後開沿路礦練
沿路民兵興沿路農工商十年或可改觀至海靖前復
注重東路無暇爲銀行計真情畢露錫樂巴宜羈縻之
免其作祟餘面罄

李中堂來電

閏三月十七日

法使兩次照會干預比事署置未復俄使勸說亦
未理今早比使來求轉圓詰責以已定合同屢次

反覆又請他國扛幫太無情理費謂公司偏執錯
誤可仍照初允加足五釐准其同理行車事定議
後請兩款內他國駐京大臣商斷可刪除伊自電
商尊處並電本國求我轉電未允未知費電語符
否希酌辦美戰難遽停款不可恃若比約竟廢必
多口舌慎之

寄李中堂

閏三月十八日

廢比本非所願惟反覆扛幫竟似有意延捱總監工初
到函允除黃河橋外三年完工始商續約乃比公司始
終只肯就一百四十萬鎊先造漢口至信陽一段不肯

分段趕造頃復署文函備詳該監工接比電另添勘路
經費及營造管車人均屬比公司兩條刪去而我仍拒
之甚力恐一復議更有藉口費使求仍照初允加足五
釐准其同理行車事並刪去駐京大臣商斷似將就範
惟初三改正續約尙有數處必須照辦尤要在借款不
誤三年期限必須分段開工聞比國不願罷議然求其
不再反覆似非加重押款不可費使尙無電來領事一
味浮滑非給俞貝德權難與再議乞相機因應

又聞三月十八日

伍電美款領袖皆閩人已達外部並願添借五兆兼辦

盧漢除黃河橋外三年包成

總署來電

閏三月二十日

已與法使議定不再扛幫費電令領事妥商正可
相機因應蓋有法商借款不患剋期難成分段開
工亦最要緊押款不必加重此次議妥當不致再
有反覆若廢約則德俄皆出幫助更難結束美款
辦粵漢已足分任較有牽制比較

寄總署

閏三月二十一日

法領事昨來說項亦言比公司反覆無理但言法不願
他國承造答以此路不關交涉總公司祇認比公司至

轉向他國售票係屬常事我皆不問領事云法使公斷
一條可刪頃奉號電已與法使議定不再扛幫有法商
借款不患剋期難成不致再有反覆分段開工亦最要
緊等論惟查比擬續約止從南端興辦而北端全指華
款一千三百萬前領部款盧保漢潯淞滬將次用完保
定至黃河急須踵辦而比款不肯分撥部款不能續領
必致耽誤在比商用意因國家不認擔保欲以北路半
截爲南路抵押再三商勸先用比款分頭趕造將來華
款六百萬必能湊足比仍堅執因此難與開議但暗令
繙譯爭論俞貝德苦於無權乞請告知費使電勸比公

司總須照原議全路全款趕緊分段開工不誤期限方能成議

又開三月二十二日

奉馬電怡和條款應酌量先畫草約聲明俟會商督撫如有與地方窒礙之處卽令更正仍俟定正約卽行會奏等因怡和催辦甚急遵諭先畫草約茲將條款摘要電陳一借票不得過三百萬鎊以備營造上海至江甯鐵路二工未竣前借款年息應在本項下提給鐵路需用之地由總公司籌款購買三年息四釐半四期限五十年五每半年攤還本利六或遇還本利之期進款不

數應於正約未定前商定辦法七此借款票由督辦大臣蓋印並出使大臣畫押八已造之淞滬鐵路及本合同所造之鐵路各種產業作抵九合同四分由國家批准總署英署兩公司各執十借票利票免印花稅料件概免釐稅正約簽後英公司卽刊賣借票總署知會出使大臣襄助十一造路行車辦法正約未定前商定設一管理處盛爲督辦並由督辦派員與英公司經理人總工程司及書記酌辦十二如因生意應添各件由管理處酌定十三餘利英公司得五分之一十四帳目規銀記數十五總工程司辦理造路行車等事又管帳西

人一名銀公司選舉其人須先由督辦允准十六估計
應用款項英公司卽定扣頭若干約照銀市八二折如
售票之時扣頭較好悉歸總公司如英公司所定扣頭
中國不願承受勘路費英公司自認十七借款存匯豐
進款匯豐通商銀行分存十八英公司經手付還本利
應得用錢二毫半十九倘此次借款不敷營築全路正
約未定前商定二十正約簽定後當奉 諭旨批准由
總署照會英使二十一英公司借款如願招別人入股
聽其自便二十二鐵路各料件中國製造者由總工程
司驗明合用卽當儘用外洋購買者管理處核辦仍須

訂正約時議妥再定二十三展造枝路與本合同鐵路相接者准英公司儘先照此合同辦理二十四正約未定以前總公司答應不論已經議過未經議過之人不另議此路借款二十五以上草合同先由督辦畫押俟會商督撫如有地方窒礙之處卽行更正仍俟定正約時具摺會奏又專條英公司現願接造江甯對岸浦口起至河南境內信陽州一帶與盧漢路相接爲止奏准後所需造路經費英公司勘路估定一切借款章程均照此合同辦理應否先行代奏候鈞裁電示

李中堂來電

閏三月二十二日

費使來言俞貝德實有全權求仍與議照初允之意辦理後添兩條可不用提彼卽電復尊處幸勿爲伍大言所惑如果廢約比得有詞法俄必起相爭聲名必爲外人所輕

寄峴帥夔帥蘇撫奎樂帥

閏三月二十三日

前奉總署電開英使言奉政府電俄德法美辦中國鐵路英獨向隅實不甘心英公司怡和必欲承辦自滬至甯鐵路此議未便峻拒務望相機籌辦等因此路屢承峴帥催辦以無妥實借款延緩至今德人既有東路垂涎甯滬迭來商辦急思抵拒今怡和傳總署命來商磋商

磨數日正擬電商卓裁適德藩將進京英人必欲乘其
未到定約簽字刻不能緩昨奉署電令先畫草約俟定
正約與督撫會奏怡和催辦愈急迫於本日遵總署電
諭先畫草約茲將條款摘要電陳

寄李中堂

閏三月二十四日

費使來電俞貝德有全權而俞意必須分段方不誤期
比公司只允先造信陽一段其實漢至信陽毫無生意
如比允南北分段開辦三年完工總公司允派給餘利
五分之一作爲酬勞乞告費使如允添入此條即可畫
約否則未便開議

夔帥來電

閏三月二十五日

香帥因沙市案有旨折回矣

李傅相來電

閏三月二十六日

俞有全權分段開辦之說應令俞轉電公司商允
不必令費轉費不來求我亦不往怡和草約連日
應酬德藩未及細核三日限太促至香意謂英覬
長江英辦不及他國似隔膜語或以何國承辦疆
土將歸何國乃係瞎話所貴在有人有法以維持
之耳各國用他商辦路限滿款清即交還者多矣
中國不自強即不辦路亦日蹙自強則何慮香何

日回任

又 閏三月二十六日

頃函致費使允照尊意電外部轉飭公司可與開
議怡和草合同尙妥由浦口至信陽皆准北蕭條
之地無大生意恐不償本耳

寄李中堂

閏三月二十七日

頃比領事法蘭吉告柯繙譯只能先辦信陽一段仍不
肯分段並只能先立草合同不肯卽定正續合同意在
騙我開議仍肆狡展已復以如此斷難開議費使如接
外部復電乞速示

寄翁中堂

閏三月二十八日

蘇粵借成藉聯英美尙佔先著比因原約有一千三百萬爲押擠我自造北岸比之成否以六百萬遲速爲斷全路關係在此伏求維持示奪再容會奏

總署來電

閏三月二十八日並轉江督蘇撫

禡電與怡和先畫草約各款大致尙妥詳細節目應於正約未定以前妥慎商辦再會同督撫具奏候旨遵行至專條英公司願接造江甯對岸浦口至信陽與盧漢相接爲止先未奏明近日本署奏准容閱請由天津迤南造路至浦口鎮江該道

正在籌商借款成否雖不可知然定議在先須稍緩與怡和議辦正約內此條宜暫刪除

又四月初一日兼致江督蘇撫

怡和承辦滬甯鐵路草合同既經畫押應卽委員同往勘路俟議定正約再會奏請 旨遵行

寄駐京比使

四月初四日

接尊電後曾請李中堂轉告貴大臣確實辦法彼此有益貴大臣轉電外部想以爲然本大臣亦已派員告知俞貝德一俟比公司復電卽可開議但成否必須限兩禮拜議定不可再任拖延請卽電俞照辦

李中堂來電

四月初四日

比利時君主初三來電盧漢鐵路於中比兩國所
關甚大且深知中堂亦深願此事之成明公智深
識遠故乞電催盛京卿將請改數條卽行允准庶
俾此事早底於成不勝大願等語

又 四月初五日

頃復比君主電頃接來電甚爲感謝已轉致盛京
堂素諗貴君主聰明公正因請貴君主轉諭該公
司悉遵原議合同各節辦理並代興造此條鐵路
務須南北兩端同時並舉則此事卽可底於成云

寄李中堂

四月初五日

復比君主電切要之至俞接比公司寄來續正約添出
枝節頗多尤要者所出公票如到期不還須准其到華
抵用已告俞必須刪除

李中堂來電

四月十四日

俄使前稱外部電比公司承辦鐵路何以日久未
定告以翻覆情形現今兩頭分辦該使電復外部
據稱該外部與比商允惟北段須另賣票求囑尊
處速與定議勿再耽延費不來說由俄轉商協謀
彼固勾結一氣我當善爲因應宜速圖之

寄李中堂

四月十六日

今日與比人開議遞來約稿三十條又代管行車合同
八條北岸須另賣股票造路行車比公司皆索全權過
於英美此尙可推敲尤可詫者到期息單股票須抵繳
關稅貨捐此皆前議所未及已嚴斥比領乃謂總署見
此新條款已首肯未知因何誤會乞示

李中堂來電

四月十七日

比索到期息單股票可抵關稅貨捐斷不可允署
未聞此議何從首肯

寄龔帥香帥

四月十九日

比約閏月止議復比法使屢向總署饒舌宣仍堅持逮
奉署電已與法使議定不再扛幫有法商借款不患剋
期難成不致再有反覆等語傅相接比君主電力請准
改數條以底於成總署甚慮比廢而俄法協謀勾結意
在遷就閏月初因伍電美允兼辦棄比用美鈞意相同
乃美有戰事粵漢可待盧漢難待只得趁比來就再與
開議成否限兩禮拜爲止昨俞貝面交續約三十條又
行車代管章程八條所索權利過於英美此尙可推敲
惟到期息單股票須抵繳稅捐萬不能允此路明示以
本利不能歸還若無另籌保還之法恐各國皆不允借

焦思終日寢食俱廢姑俟續議再奉聞

寄李中堂 四月二十日

連日與比議權利略如怡和彼卽電比仍可合拍惟到
期單票抵稅捐一節又兩造爭論法使公斷一節皆堅
拒伊云條款送署未置可否似已默允告以署斷不允
彼欲電費使向署商不允則由費電外部勸其刪除

李中堂來電 四月二十日

條款並未送署說可惡俄使頃來詢告以股票
抵稅捐斷不准巴謂卽電俄外部費不自商而由
俄試探亦可惡希堅持

香帥來電

四月二十五日

浦口至信陽一路只可總公司自辦若怡和以英
股承辦及客閩以洋股承辦皆不可允路在湖廣
境鄙人斷不敢畫押會奏萬望勿定草約已經再
三諫阻將來勿責鄙人違拗也切禱望示復

寄香帥

四月二十七日

浦口至信陽一路歸總公司自辦誠如鈞旨英股洋股
均不可有昨勸比人漢通湘粵信通蘇浙均歸公司利
可挹注何必要抵完稅釐比已允刪但須有路利不敷
另籌歸還之說以堅買票者之信夔帥云路外籌還窮

於著想然則路利安可使之不敷總署來電浦口至開
封達天津須先儘容閻縱之造浦津則爲盧漢害操之
造浦信則爲盧漢利論大局必力爭山西礦務已派馬
建忠表面歸意國承辦俄法在內路亦恐不及挽救九
龍歸英數百里已畫押 朝廷有索必遂如公司不包
攬者不爲中國有矣一歎

又 四月二十八日

津電有 旨翁開缺回籍王來京榮署直督並聞有密
電飭裕北來

寄夔帥 四月二十八日

是日不集 卷三十二 三
朝局一變師何日交卸晉京此款允其不造礙廬漢之
路將借票抵稅釐一條刪除日內即可簽約以後路事
仍須會北洋銜未知能否融洽深爲焦慮

香帥來電 四月三十日

浦口至信陽一路總公司借美款自修爲上客閥
次之客路雖是美股勝於英股又可絕其徑達天
津分廬漢之利若英款自蘇滬接信陽長江南北
水陸路權全歸英有禍不可勝言矣務祈審酌示
復蘇滬路何以必欲予英浦津路何以必欲予客
究是何堂主見可否密示

寄京總署津夔帥鄂香帥 五月初一日

比國借款因其反覆太甚當將罷議情形由宣詳晰電陳旋奉總署閏三月號電已與法使議定不再扛幫費電令領事妥商正可相機因應此次議妥當不致再有反覆若廢約則德俄皆出幫助更難結束等因費使再三電請開議俞貝德送來續約三十條又行車章程十條內有請將到期息單股票抵繳稅捐一條萬不能准已痛駁刪除又請如遇兩公司爭執總署比使判斷未妥另選分賣股票之國之公使決斷一條是暗指法使駁令刪改彼云須由費使定奪其餘索加權利與英美

大略相同筆禿昏焦絲毫不讓亦時勢使然茲特摘要
電呈鈞核

合同另詳

以上除公斷一條未定外其餘比

公司來電已允畫押並限數日內定局所給權利照原
約大增照英美彷彿事已拖延半載既難改借他款勢
亦無可再議徒曠時日可否先行畫押再將此續約會
同奏咨統候鈞裁電示遵行

寄張香帥譚敬帥陳右帥

五月初一日

浙甯鬧米江蘇乏糧皆出洋之過不能不辦平糶江浙
委員赴鄂購米遏糶非計須多放湘米到鄂乃大功德
乞右帥允准

李傅相來電 五月初二日

昨見致署電議比續約同列仍置不理頃費使來
求照此定議告以如有爭論照西例可請公正人
論斷彼謂非指定股分較多之國公使則賣票不
能取信堅囑其照鄙言電公司彼謂恐難允由尊
處相機妥辦至豔電蘇甯路峴曾奉 旨飭辦渠
如奏駁必不准英亦有詞

香帥來電 五月初二日並致王夔帥

讀杏翁東兩電比款續約三十條行車章程十條
均悉權利大加交款抑勒可恨然與比再商恐難

改讓若與美另商權利仍與此無異惟法使決斷一節萬不可許鄙意似可先行畫押接總署覆電後再具摺會奏或日內由杏翁主稿擬一簡明會銜電奏聲明詳細已電總署何如統請酌度以免遷延

傅相來電

五月初六日

署電聞已進呈無說似可先畫押再會奏惟費使前云必欲另改恐難成可惜慶常來電法外部因欲刪改此條謂有傷法國體面仍希妥酌辦理

寄傅相

五月初七日

魚電慶使所云未免張大其詞俞貝德已接比電允刪
但明日卽要畫押旣已四電請示總署照體例必須奉
復電方可畫押乞速主裁賜復

傅相來電

五月初七日

頃費使來告本國電復合同內可寫倘有爭論總
署及鐵路公司比國大臣彼此請公正之員評斷
等語另由盛大臣寫信與俞貝德倘若請公斷除
總署比使外第三人卽係股票最多之國之欽差
云云此係盡頭之著請速定議畫押

總署來電

五月初七日

費使面稱公斷一條可於合同內改寫如有爭執
由總署比公使商請公正人評斷但須另函聲明
宜請股票最多國之公使云我雖專認比公司聞
款由法國轉借若本利有欠法國不能無詞事已
無可再議應先與畫押再行會同奏咨

寄總署

五月初八日

比續約已遵於本日先與畫押並另給函容再會同奏
咨辦理

香帥來電

五月初八日

陽午電翌晚始到既不指定法使判斷且須由總

公司函允較爲妥善盧漢爲第一幹路若此款不成再出他國干預爲患不可勝言時事日棘鄙見可卽畫押以免反覆並候總署榮中堂核示可也
又五月十八日

接湘紳熊庶常希齡等電稱有自粵來湘遊歷法人四員測量鐵路沿途每遇取灣角度測量尤細聞永安州教案索款有由龍州修鐵路至桂林再定所向等語其陰謀圖湘無疑果爭湘路湘鑛盡歸法握爲害非小今盛京卿徒有鐵路之名不集款不速辦設不幸而湘有法案法肆要索政府恐

未必能以粵漢虛名抵制異日棄湘之咎責有攸歸齡意現在英商毛根在北京願集資千萬承辦湘鑛似可商之盛公先借此款速修長沙至永州鐵路以遏法謀卽與法公司商訂鐵道尺寸以備兩道銜接亦無不可庶幾我有自主之權一面速將粵漢鐵路同時並舉倘盛猶遲疑湘人將以此情形赴京師呈請辦理事急不能不自救也等語湘紳不知借款之難且未知美款已定局外苛責無足深論而所云法圖湘路湘鑛不爲無見但英人暗擅長沙正覬湘鑛湘紳擬借毛根之款又欲

與桂林法軌銜接均有不妥查美約原有如比款不成則美兼辦盧漢之條今比款既成與美豫定兼辦長沙枝路美必樂從望卽籌酌如能定議須電請總署立案以備拒法至龍州法軌若干尺祈速查示盼復

寄香帥右帥

五月十九日

奉右帥篠電謹悉粵漢偕定美款已奉旨由伍使畫押合同寄到已抄咨惟須勘估全路方能付款開辦既訂合同美國亦決不肯讓他國伍電美人六月望後起程來華必欲親自勘估公於牧令量移苦心可揭宣豈

肯延緩但美工師不准遽入詹鄺不准暫借羅略諳測
勘而又因病遲延棘手焦心求示良策

又五月十九日

奉香帥囑電湘紳以不隸款不速辦詰責愧甚粵漢正
月二十二奉 寄諭美款三月二十四畫草約重洋之
隔時局之難借款之鉅若非仗內外同心恐難如此之
速法畢使過滬詢及告以美約已定頗快快到京力索
桂林而不能及粵漢佔此先著皆公力也第一款載明
候派總工程司勘路詳報卽交納第一次正值美有戰
事因粵奏緩辦湘亦商緩洋工入勘故未催促似非宜

之咎摩根求辦湘鑛照晉鑛例宜未敢干預聞已入都
與江建霞等商辦摩專謀鑛如辦路亦必兼鑛今法人
由桂入永覲鑛亦覲土地鈎電欲令美兼辦美約第三
款本載明美有添建支路之權接連要處以招運餫惟
推廣各路須經總公司核准云如歸美兼可保全湘一
面電伍添入專條一面公電總署立案否則德華銀行
亦或願辦較英法有異同否湘中旣許法人沿途測量
並慮外人爭路似可乘機勸導准令美人勘路以免延
宕法軌亦係四尺八寸半除俄外皆同

寄蘇省奎中丞聶方伯吳廉訪

五月二十日

接常州紳士公電弟等因民間乏食懇請地方官籌款
運米十六日開廠安慶哥老兩黨聚眾自卯至酉搶奪
三處及船米三千餘石武進縣始拘獲十餘人方解散
首犯未獲外開目無法紀白帖甚多請飛速將此實情
懇求中丞酌派妥員帶營前來會府查辦並立法平糶
保護良民愈速愈妙等語敝處四月杪接同鄉公電赴
鄂購米萬石正可陸續分批到常聞錫米初到因米少
人眾開辦減價不多乃刁民藉口煽惑喝令搶劫鄂米
頭批亦被搶似此情形續辦恐再搶停辦尤恐滋衅擬
請中丞遴派明幹大員前往查辦嚴拿爲首一面出示

減價平糶以杜亂萌而安人心萬民同感

峴帥來電 五月二十一日

常屬教堂極多盡慮極是迭經飭屬妥籌防護患
不實力奉行耳各處米缺饑噪頻聞省城艱食尤
甚天未悔禍適長亂萌與公同切危悚

湘撫陳右帥來電 五月二十一日兼致香帥

杏翁效電敬悉本年二月初曾電請先以督帥委
員汪喬年等由鄂勘路至粵界再偕洋工師沿湘
至鄂祇算是聯絡紳士卽所勘不確不過多一層
勞費等語卽昨電所云自南而北與尊指自北而

南稍殊非請緩也汪旣不能來延至三月接准錄摺會咨卽委曾牧慶溥至鄂候羅委員兩月餘未能成行前日曾牧及陳道自滬來電稱京堂謂候交秋後勘路前此致緩之由非由湘請更不任咎矣今美款果確又能兼永州一路苟可早定足杜法謀但須將通廣東之路由長沙改向湘潭衡州耒陽興甯仍經永興郴州抵廣東界爲幹路又由衡州接修經祁陽至永州抵廣西界爲枝路如此則前議由醴陵攸縣茶陵安仁以達永興數百里之路可省矣第衡永一路民情較爲浮動尤必用

華員先勘一次沿途示諭隨後再用洋工師勘估
方穩亦不致因此過延時日惟不可似此次之久
不就道耳至法人何利雅等總署來文只言有格
致法員過境到省後始意亦似爲鐵路起見然不
過於馬上持鏡一照並非真正測量而保護弁勇
受傷多人互毆十次若非先用華員勸諭卽遽以
洋人從事則非不材所能知也

寄香帥右帥

五月二十六日

奉右帥簡電須由長沙改向湘潭衡州耒陽興甯仍經
永興郴州爲幹路又由衡州接修經祁陽永州至廣西

界爲枝路自是正辦昨田員由美來言美總統願助中國興商務則添枝路必可成請將一幹一枝湘境里數電示當卽請伍使與商如欲杜法謀須速會奏立案竟說已借美款好在美約本有枝路併造一條也惟今借洋債須預籌還法專仗路利無把握俄法德要索路權皆及鑛務以鑛利百倍於路直晉豫全鑛皆與俄意英定約餘利歸外人七十五分限期六十年北方無盡利權均已歸人湘鑛不久必屬英法可否歸併總公司亦借美款開辦餘利湘得若干分爲練兵費美得若干分總公司得若干分幫還湘債美允派人來華商定鈞意

倘然其議亦宜預爲立案否則一遇交涉案件莫能阻
當伴恐懷璧其罪也陳曾回鄂訂定七月朔起勘羅病
如不愈卽當改派美人六月來當仍宗前議由粵勘起
右帥來電 五月二十七日

香帥有商公以美款兼辦永州枝路故箇電云然
若果兼辦自當由衡州接修可省醴安攸茶四州
縣複路聊爲此說以備酌擇至養路之有無把握
此公司事非所能知也湘紳借洋款之電口頭語
耳他何論焉

寄劉峴帥奎樂帥 五月二十八日

今早法人拆毀四明公所塚牆甯波幫聚眾發傳單明日罷市法已調兵船恐募民藉端焚掠釀成巨案非昔年可比國家必大喫虧可否請聶方伯飛速來滬或可趕緊調處並須李軍門前來彈壓方妥乞鈞裁

峴帥來電

五月二十九日

事變突起同抱杞憂已電譯署暨樂帥卽派聶方伯及沈道敦和赴滬商辦並請李軍門趁坐兵輪前往彈壓聞清江一路線桿中斷當此事機緊迫請飭迅速修整有聞仍祈見示爲荷

寄劉峴帥奎樂帥

五月二十九日

今日甯波紳董來言法人槍斃華人十二名受傷三十餘名甯人雖罷市並未動手彼不遵舊案擅拆塚牆不由分說擅傷人命無理已極似可電慶使告法外部電總署告法使先立案竊慮法人有意尋衅爲訛詐計特傳甯董再三勸諭徧發傳單不得聚眾滋鬧靜候官長調停並授意該董請律師理論一面登列洋報告啟各國官商止目前亂萌卽爲調處地步並已備告蔡道但求不傷彼之人產其曲在彼較爲易辦甯灣上下游決口八處一片汪洋線桿中斷已飛飭趕修同深焦急

寄奎樂帥

五月三十日

甬人仍罷市罷工今遣其紳商徧諭各項頭目不得鬧
事候藩台來自有辦法並囑他國領事勸法國勿再傷
人頭與白藻泰私商不要四明塚地可允其商辦擴充
租界彼已電外部但租界事各國已在總署堅索如尙
未允定或可抵銷此案

寄峴帥 五月三十日

沈道所擬辦法尙妥頃與法領事私商意似許可但云
擴充租界間總署已允姑電外部商酌管見租界事工
部局董已進京勢在必准既有此案可否請電署略緩
答應藉可抵銷今日甬民仍發傳單罷市候聶藩台來

已託各領事切告法領事勿再傷人並分諭甬人勿動手然事變只在幾微可慮之至

寄李傅相 五月三十日

法人定要四明塚地槍斃多人甯波人聚眾罷市一定不讓頃與白藻泰私商如准其擴充租界可不要此塚地白云聞租界事總署已允我姑將此意電外部管見租界本屬必准若能稍緩答應或可借此抵銷乞示以便轉告仲方和甫酌辦

峴帥來電 五月三十日

盤電佩甚法人違約翻案激成眾怒已囑蔡道趕

先照會各領頃電譯署所陳適與偉論同揆承論
甯董各篇尤切企仰當飭蔡道查照辦理謹謝
籌決口多處電線中斷俯仰時事益增憂虞

寄峴帥

六月初二日

甬人眾志成城殊難強拂惟罷市罷工數萬食力之人
豈能坐食多日亟盼藩台到滬了事頃晤仲方述及仲
禮已將憲電交閱但租界事有人堅持在前仲方未奉
明文不敢遽與法議然法領事必欲允議擴界乃肯讓
還甬地相持不下竊恐變起倉卒目覩情勢日急一日
敢冒越俎之嫌卽乞鈞座切實電聶密授機宜俾可放

手辦結

李傅相來電 六月初二日

英工部局董來京求擴租界託田貝來私議告以此須地方官作主署難遽允故英使並未來署饒舌頃復南洋電由外間酌辦希告仲方等

峴帥來電 六月初二日

滬上情形岌岌同切危悚聶方伯已到飭與蔡道安速商辦頃接署電奉 旨飭令派出各員切實勸導彈壓商民等因亦經行司道遵照沈道所言本是豫籌及之未經地方官核定豈能輕允法人

使皆尤效括盡精華固非國家之福抑豈商民之
幸公是能人幸謝嚴葉垂諒是荷

寄峴帥

六月初三日

昨聶方伯傳集甯幫二百餘人切實面諭卽出示允爲
保全當夜宣亦勸諭甯董卽將告示刊印數千張今早
已一律開市開工堪紓盡注此次好在彼傷我人命而
甬民並未動手理甚足惜勢不及耳擴界無論允拒能
離開四明案立論自較得體

李傅相來電

六月初七日

頃費使來告以我可擔保批准且署電慶使於草

股票內畫押爲確證費允電公司趕辦或使求怡和接做蘇至甯波路署謂應由尊處會商浙撫至粵往九龍法不以英辦爲然

香帥來電

六月初七日

小田切來議漢口租界不得不照總署議於德界下鐵路總站上劃給百丈議章簽字然此事德豈甘心來贖及議論詞極堅悍責我賠償萬不能以理解初與柯達士商無轉圜意未得一答議於總站及漢鎮分站之中腰正靠德界後面添設一小分站汽車往來略停數分鐘可上下人貨在德都

即有此例柯謂公司未必願意答以公司固不免
多費此是國家特補償德國利益處柯言果爾甚
善雖仍以請命海靖爲詞默揣當可通融此於公
司目前誠稍費然亦非毫無利益且可免因此於
他事有牽涉阻撓之患苦心調停始思得此策諒
邀鑒及已電署矣

寄香帥

六月十七日

既派榮桐會督又設鑛務鐵路局派仁和南海總理盧
興俱屬統轄不得不先赴津率同俞貝德勘驗盧保如
請款交議未定或須入都面求以辦正定一段此行必

須有人匡贊本約蘇龜同行咨文可否交念劬帶津

李傅相來電

六月十九日

比使催批准甚急會奏未到何也頃英使來署力
言新報印合同法文內云股票由俄華銀行收賣
似歸俄國包攬於大局有礙英政府查詢此事若
實必不答應邸樞均爲搖動若奏到不批准豈非
話柄務速查明底細飛電總署查核原件法文尤
要細心覈校恐有錯誤

寄傅相

六月二十日

已遵效電飛電總署並令比領事速電費使預備答復

新聞紙所載英法文均有不符查係上海比總領事費里雅所播弄因借款事比使派漢領不派滬領嫉忌造謠以致上海英商紛議歐洲皆知比公司承辦借款與俄無涉路透英電皆云然英使之言專爲滬謠而來應請總署勿爲搖動自誤大局

寄總署

六月二十日

比續約第十八款二十一款均有道勝之巴黎分行字樣當時與比領事及俞貝德原議道勝中法均有股份在內巴黎上海匯款較易所以用爲居間代收中國總公司之票代付比公司之價並非該銀行收賣股票第

十六款指明知會比京巴黎兩處銀錢公會允准借款並不提及俄京亦不提及道勝總行且道勝於中比借款一事於二十九款結語已經指定別無干預似可將法文條款交英使查閱若再不放心鈎署似可詰問比使卽由比使照復並無俄股在內想必比使亦可請俄使到署聲明以釋英疑

寄李傅相

六月二十四日

頃榮相電 硃批留中想因英使查詢邸樞搖動刻寄比使電令其赴署聲明已飭局鈔覽原奏合同是否交署查復聞英外部因俄不准關外借英款故作此難此

事總須比法使自行聲明並無俄國在內乃可轉圜乞
與鐵路總局裁奪以免中變

峴帥來電 六月二十六日

區畫南北彌著賢勞淤路既歲淤埠卽關商務必
旺利及公私惟開埠需款旣鉅且急公令鐵路輪
船兩公司圈用灘地荷允照市給價具仰公忠已
飭蔡道許守謁商劃回若干畝外希飭兩公司按
畝計值卽速彙齊繳清爲盼

寄東撫張漢帥 七月初七日

奉魚電東災甚重且聞黃水灌入小清河自歷城至壽

光九縣亦必被災且恐清河淤壞追思往蹟悵念尤殷
弟因勘驗路工入都已將尊電轉致揚州嚴佑之上海
施子英楊子萱諸善紳但值江南商務極壞恐勸募不
足濟急公如徑電諸君能邀請嚴佑之赴東查放各省
或能聞風接濟潘牧民表亦著人望似可酌用

峴帥來電

七月十二日

本年徐海災重甚於上年中秋後卽須辦振仍不
能不借仗嚴紳以資熟手山東恐難兼顧應請尊
處另派徐海振款亦較上年數倍之多並求大力
設法接濟無任感禱

寄峴帥

七月十二日

徐海又須辦振重煩盡籌頃嚴紳來電已赴尊召惟籌款須在大處落墨請賞漕米十萬等語宣已傳諭嚴紳遵赴徐海但勸捐不易只得官籌已一面電屬滬紳勸募東振已復漢帥另辦宣十一請訓十二到津

寄香帥

七月十二日

俄人不干預不特比使已立憑據卽俄使亦有復函均當咨達鹽釐共止七十四萬已告仁和宣十一請訓十二到津領款尙無定議卽發亦無多蘇堪已到愚齋存彙卷第三十二